

寒科六

六科準繩



傷寒準繩卷六

金壇王肯堂輯 瘦樵程永培校

小便不利小便難

〔成〕小便不利有數種被下而小便不利者津液耗於內也因汗而小便不利者津液亡於外也發黃與痞及夫熱病小便不利者熱鬱所致風濕相搏與夫陽明風中其小便不利寒邪所乘其小便難者亦多由汗下而然宜詳辨之

〔太陽〕傷寒表不解心下水氣乾嘔發熱而咳或渴或利或噎或小便不利少腹滿或喘者小青龍湯去麻黃加茯苓方見欬 太陽病大發汗後胃乾煩躁不得眠欲飲水小便不利脈浮者五苓散不浮者豬

苓湯 本以下之心下痞與瀉心湯痞不解渴而口燥煩小便不利者五苓散 服桂枝湯或汗或下之

仍頭項強痛翕翕發熱無汗心滿微痛小便不利者桂枝去桂加茯苓白朮湯 太陽病飲水多必心下

悸小便少者茯苓甘草湯方見厥 若兼身黃而小腹鞭脈沉結者茵陳湯方見黃 若表未解反下之不結

胸但頭汗出小便不利者必發黃亦茵陳湯梔子柏皮湯

〔陽明〕病面合赤色不可攻之必發熱色黃小便不利也 陽明病小便不利若中寒不能食手足澀然

汗出大便初硬後溇者此欲作固瘕 若能食大便自調其人骨節疼翕翕如有熱狀奄然發狂濺然汗

出而解者此水不勝穀氣與汗共併脈緊則愈 或無汗心中懊憹或被火額上微汗出或頭汗出身無

汗劑頸而還渴引水漿皆欲發黃之候 若脈浮發熱渴欲飲水小便不利者豬苓湯主之 此浮字誤也 活人云脈浮

者五苓散脈沉者豬苓湯則知此證若脈字下脫一不字也按太陽篇內五苓散乃豬苓澤瀉茯苓三味中加桂白朮也陽明篇內豬苓湯乃豬苓澤瀉茯苓三味中加阿膠滑石也桂與白朮味甘辛為陽主外

阿膠滑石味甘寒為陰主內南陽之言亦可謂不失仲景之旨矣第南陽欲區別二藥分曉不覺筆下以沉對浮遂使後人致疑三陽證中不當言脈沉更不復致疑經文之有闕也更詳太陽證固當脈浮而陽

明為表之裏故其脈不曰浮而曰長蓋長者不浮不沉之中脈也成氏直以脈浮釋之而朱氏却以脈沉言之胥失之矣若曰脈浮者五苓散不浮者豬苓湯則得仲景之意矣又詳少陰病下利六七日欬而嘔

渴心煩不得眠者豬苓湯一條雖不言脈沉然少陰之脈必沉也豈活人以少陰對太陽一證而言與以此推之成氏隨文誤釋明矣 病人小便不利大便乍難乍易時

有微熱喘冒不能臥者有燥屎也宜大承氣湯 得病二三日脈弱無太陽柴胡證煩躁心下鞭至四五

日雖能食以小承氣湯少少與微知之若不大便六七日小便少者雖不能食但初頭鞭後必溇須小便

利尿定鞭乃可用大承氣攻之

〔少陽〕傷寒五六日中風往來寒熱胸脇痛不欲食心煩喜嘔或心下悸小便不利者小柴胡湯 傷寒

五六日已汗復下胸脇滿微結小便不利渴而不嘔但頭汗心煩往來寒熱為未解柴胡桂薑湯 傷寒

八九日下之胸滿煩驚小便不利譫語身重不可轉側柴胡加龍骨牡蠣湯

〔少陰〕小便不利而大便自利腹痛爲少陰病 兼四肢沉重有水氣者真武湯 兼便膿血者桃花湯

兼四逆者四逆散加茯苓

〔厥陰〕傷寒嘔而腹滿視其前後知何部不利利之則愈前部爲小便不利脈浮者五苓散不浮者

豬苓湯 小便不利關節疼痛若痛不得屈伸汗出惡風身腫者屬風濕宜甘草附子湯方見身痛 若脈沉

緩大便反快者屬濕痹活人用五苓散方見渴

附

〔活〕陰證小便不利手足厥冷脈微細者不宜服利小便冷滑藥但服返陰丹并取臍下石門穴灸之方論

見陰毒

〔集〕傷寒小便不通取陰谷 陰陵泉

〔吳〕凡傷寒小便不通刺任脈二穴在臍下一寸用長針入八分又次支溝二穴在手腕後三寸兩骨之

間陷中針入二分凡傷寒小便不利當分六經治之太陰少陰詳見本條太陰腹滿自利小便不利無熱

脈沉者理中湯合五苓散更加厚朴木香分利其小便而大便自止厥陰寒閉厥冷脈伏囊縮入腹小便

不利宜四逆湯通草茯苓或灸氣海石門穴或以蔥熨法治之若陰虛火動小便赤澀不利者加水通生



汗後小便難

下後小便難

脇痛身黃小便難

地知母黃柏凡內熱盛大便不通小便赤澀不利者八正散治之凡不渴小便不利者熱在血分也宜知母黃柏生地之類夫膀胱為津液之府氣化而能出也若汗多者津液外泄小便因少不可利之恐重亡津液待汗止小便自行又小便自利不可妄利之恐引熱入膀胱則變畜血又為害也

〔小便難〕汗後小便難若太陽發汗遂漏不止者則惡風小便難四肢難屈伸宜桂枝附子湯

方論見自汗

若太陽證中風以火劫發汗則邪風被火熱血氣流溢身黃陽盛陰虛欲衄小便難也

方論見頭汗

若少陰

以火劫汗者則欬而下利譫語小便難也

論見脇痛

下後小便難有二若脈遲浮弱惡風寒下之者則脇滿身黃項強小便難也

見脇痛

若陽明胃實發熱惡

寒脈浮緊下之者則腹滿小便難也

論見胃實

脇痛身黃小便難若陽明胃實未下者宜小柴胡湯若下後不食項强者忌柴胡

論見脇痛

〔趙〕傷寒小便難仲景論有發汗漏不止桂枝加附子湯者有陽明中風或脈弦浮大而潮熱噦者或

脈浮而緊誤下而成腹滿者又有陽明脈浮遲飽則微煩頭眩者活人問中當以傳經邪熱與漏風亡

陽分作兩條其桂枝加附子湯證乃亡陽經虛所致豈得均謂之陰虛陽湊為有熱耶要當以小柴胡

證及誤下證穀疸證次於陽湊傳邪之下却別出一條云外有汗多亡陽津液不足亦有小便難者還

以桂枝加附子湯證屬之

小便自利 小便數

〔成〕小便自利有在表者有在裏者有熱而利者有寒而利者六經俱有之證難以槩治宜考經條分之可也小便數者三陽有在表者有在裏者三陰並無小便數之證宜詳察之

〔太陽〕病六七日表證仍在脈微而沉反不結胸其人發狂以熱在下焦小腹當鞭滿小便自利者下血乃愈抵當湯 太陽病身黃脈沉結小腹鞭小便自利其人如狂血證也抵當湯 傷寒有熱少腹滿應

小便不利今反利者爲有血也當下之不可餘藥宜抵當丸 傷寒十三日不解過經譫語小便利而大

便亦下利脈反和調胃承氣證

詳譫語

太陽中風火劫汗後發黃欲衄小便難頭汗出腹滿微喘口乾咽

爛或不大便久則譫語甚者至噦捻衣摸牀小便利者可治

詳譫語

太陽病小便利者以飲水多必心下

悸小便利少者必苦裏急小便利甘草茯苓湯 傷寒八九日風濕相搏身體疼煩不能轉側不嘔不渴

脈浮虛而澀者桂枝附子湯若其人小便利去桂枝加白朮湯 傷寒發熱惡寒大渴欲飲水其腹必

滿自汗小便利爲欲解此肝乘肺名曰橫刺期門

〔陽明〕病反無汗而小便利二三日嘔而欬手足厥者必苦頭痛

詳頭痛

得病二三日脈弱無太陽柴胡

證煩躁心下鞭以小承氣微和之不大便六七日小便少者雖不能食但初鞭後澹未可攻小便利太承氣湯 傷寒脈浮而緩手足自溫係在太陰當發身黃若小便自利不能發黃至七八日大便秘陽明病也大承氣湯 陽明病自汗更發汗小便自利為津液內竭屎雖鞭不可攻之宜蜜煎導而通之豬膽汁或土瓜根皆可為導

〔太陰〕傷寒脈浮而緩手足自溫係在太陰當發黃小便自利不發黃至七八日雖暴煩下利日十餘行必自止

按以上數條皆以小便自利為病蓋以驗病之下與不當下也若小便不利而少腹鞭者尿也當滲泄之若小便自利而少腹鞭者非血則糞也當通利之且病之發黃與不發黃及病之死與不死皆可於此而驗之焉

〔少陰〕病二三日至四五日腹滿小便不利四肢沉重疼痛自下利者為有水氣或小便利真武湯

詳下利

既吐且利小便復利而大汗下利清穀內寒外熱脈微欲絕者四逆湯

〔厥陰〕傷寒熱少厥微指頭寒默默不欲食煩躁數日小便利色白者此熱除也欲得食為病愈

〔小便數〕傷寒脈浮自汗小便數心煩微惡寒腳攣急者慎不可用桂枝湯

甘草乾薑湯芍藥甘草湯

〔趙〕太陽病自汗四肢拘急難以屈伸心煩微惡寒腳攣急若小便數者慎不可用桂枝也宜與甘草乾薑湯芍藥甘草湯此虛寒所致與上文客熱等證全不相合又多四肢拘急難以屈伸八字卽係前篇小便難之證今却添入於此問小便數之下何耶又云傷寒脈浮便數若胃中不和譫語者少與調胃承氣湯蓋仲景論中此論專主胃氣不和譫語未嘗兼治脈浮自汗小便數之證何不曰若服甘草乾薑湯後胃氣不和譫語者少與調胃承氣湯不亦宜乎

跌陽脈浮而濇浮則胃氣強濇則小便數浮濇相搏大便則難其脾爲約麻仁丸 太陽病汗吐下後微煩小便數大便因鞭與小承氣湯和之則愈 太陽病寸緩關浮尺弱其人發熱汗出惡寒不嘔但心下痞者下之早也如其不下病人不惡寒而渴者此轉屬陽明小便數者大便必鞭

〔吳〕凡小便數者頻欲去而不多也太陽陽明治各有條凡腎虛有熱小便頻數者清心蓮子飲或人參三白湯加知母黃柏麥門石蓮肉之類或服滋補丸亦佳或補中益氣加知母黃柏生地黃麥門冬主之

遺溺

三陽合病腹滿身重難轉側口中不仁面垢譫語遺尿自汗者不可汗不可下宜少與白虎湯詳身重

風溫病脈浮自汗出體重多眠若下之則小便不利直視失溲

詳風溫

楊士瀛曰膀胱瀦水下焦不攝則亦遺溺經云邪中下焦陰氣爲慄足膝逆冷便溺妄出合用四逆湯下焦畜血小腹結急小便自利不禁輕者桃仁承氣湯重者抵當湯

寸口脈微而澀微者衛氣不行澀者榮氣不逮榮衛不能相將三焦無所仰身體痹不仁榮氣不足則煩疼口難言衛氣虛則惡寒數欠三焦不歸其部上焦不歸者噫而吞酢中焦不歸者不能消穀引食下焦不歸者則遺溲

欬而小便利若失小便者不可發汗汗出則四肢厥冷 太陽病火熨其背大汗出譫語十餘日振慄下利欲小便不得反嘔而失溲者此爲欲解也

詳譫語

遺溲狂言目反直視者此爲腎絕

〔吳〕凡遺尿者小便自出而不知也其熱盛神昏遺尿者爲可治若陰證下寒逆冷遺尿脈沉微者多難治宜附子湯加乾薑益智子以溫其下也若厥陰囊縮逆冷脈微遺尿者四逆加吳茱萸湯溫之陽不迴者死凡傷寒汗下後熱不解陰虛火動而遺尿者以人參三白湯加知母黃柏或補中益氣湯加知母黃柏麥門冬生地黃五味子之類主之若狂言直視譫語遺尿者此爲腎絕內經言膀胱不利爲癰不約則遺溺又曰水泉不止者膀胱不藏也蓋腎與膀胱爲表裏腎虛則膀胱之氣不約故遺尿也

要在滋補膀胱之氣也東垣謂洩便遺失為肺金虛又當補肺氣也大抵肺虛腎虛熱甚者皆可治惟腎絕遺尿則不可治此下焦氣絕不歸其部故也

噫氣

說文云噫飽食息也於介切俗作噎傷寒有二證皆由誤汗吐下胃氣弱而不和虛氣上逆心下痞鞭故下利者生薑瀉心湯不下利者旋復代赭石湯

傷寒汗出解之後胃中不和心下痞鞭乾噫食臭脇下有水氣腹中雷鳴下利者生薑瀉心湯主之

傷寒發汗若吐若下解後心下痞鞭噫氣不除者旋復代赭石湯主之

附

〔雲〕傷寒噫氣者何氣使然答曰胸中氣不交故也少陰經至胸中交於厥陰水火相搏而有聲故噫氣也宜如聖加枳實湯

如聖加枳實湯方

甘草

桔梗各五錢

枳實炒三錢

右剉細每服五錢入五味子半錢水煎服

傷寒汗下後喘而噫氣者宜如聖加人參藿香杏仁湯

如聖加人參霍香杏仁湯方

甘草

桔梗

人參

霍香

杏仁

各等分

右剉細每服五錢水煎服

噦
即吃逆

噦卽俗所謂吃逆雜病辨之甚詳按說文噦氣噦也於月切又乙劣切乙劣之訛遂爲吃逆亦猶俗呼團爲突欒角爲葛洛其故明矣名世如東垣亦謂噦是乾嘔之重者不知有聲無物皆爲乾嘔豈有輕重分爲二病哉至所云欬逆者卽今之喘嗽是也乃與吃逆混而爲一或以爲噦皆不攷之過而得失利害係焉不可以不辨

〔胃寒〕傷寒大吐大下之極虛復極汗出者以其人外氣怫鬱復與之水以發其汗因得噦所以然者胃

中寒冷故也

〔成〕大吐大下胃氣極虛復極發汗又亡陽氣外邪怫鬱於表則身熱醫與之水以發其汗胃虛得水虛寒相搏則噦也○吳茱萸湯理中湯○活人用橘皮乾薑湯羌活附子散半夏

生薑湯
退陰散

活人云若服藥不瘥者灸之必愈其法婦人屈乳頭向下盡處骨間灸三壯丈夫及乳小者以一指爲

率男左女右艾炷如小豆許與乳相直間陷中動脈是

〔胃熱〕陽明中風脈弦浮大短氣腹滿脇下及心痛鼻乾不得汗嗜臥一身及面目悉黃小便難有潮熱

飲水而噦

時噦脈續浮者與小柴胡湯若不尿腹滿加噦者不治實傷寒噦而腹滿視其前後知何部不利

利之則愈仲景無方活人云前部宜豬苓湯後部宜調胃承氣湯

胃中虛冷不能食者飲水則噦與小承氣湯入腹中不轉失氣者不可攻之攻之必脹滿不食與水則

噦詳潮熱

本渴而飲水嘔者柴胡不中與也食穀者噦詳脇痛陽明病胃實不能食者攻其熱必噦湯家頭汗出

背強惡寒欲覆被向火者下之早則噦詳體痛

太陽病以火劫發汗血氣流溢身黃欲衄頭汗腹滿譫語甚者至噦捻衣摸牀小便利者可治論見頭汗

附

橘皮乾薑湯

橘皮

通草

乾薑炮

桂心

甘草炙各二兩

人參一兩

右剉如麻豆大每服四錢水一盞煎至六分去滓溫服日三

羌活附子散 治吃逆

羌活

附子炮

茴香微炒各半兩

木香

乾薑炮各如棗許大

右為細末

傷寒準繩

卷六噦

六



南京中医药大学图书馆藏

每服二錢水一盞鹽一捻同煎一二十沸帶服一服止

半夏生薑湯 治噦欲死

生薑二兩

切

半夏洗一兩
二錢半

右以水二盞煎至八分去滓分二服溫服

〔失下〕海藏云傷寒咳逆脈散死 仲景之言不虛偽 大抵原因失下生 欬逆喉中陰不內 便軟

惟宜用瀉心 便硬尤宜大承氣 二藥神工作者誰 東垣潔古爲良劑

〔潔〕欬逆者火熱奔急上行而肺陰不內何其當哉故便秘者宜大承氣下之便軟者瀉心湯主之

〔海〕少陰欬逆者此失下也陰消將盡陽逆上行使陰不納也然陰既盡陽亦將盡也吸入腎與肝陽逆

呃之陽症

上行陰入不納故爲陽極脈微將盡者不宜下宜服瀉心湯養陰退陽而已如不用瀉心湯涼膈散去硝黃清肺散亦可若脈左浮右沉實非表也裏極則反出於表也何以然欬逆舌強右脈實者知少陰裏也飲水過多心下痞而渴逆者五苓散主之別無惡候是也惡候生或兼以舌攣語言不正而反昏冒與咽痛者少陰也速下之宜大承氣湯也何以脈浮爲表浮之實大沉之損小是爲表也浮之實大沉之亦然卽非表也邪入已深矣內熱當沉反浮陽極復之表也

呃之陰症

〔陰證〕者內已伏陰陰氣太甚腎水擅權肝氣不生胃火已病丁火又消所以遊行相火寒邪迫而萃集

表瀉

於胸中亦欲盡也故令人發熱大渴引飲欲去蓋覆病人獨覺熱他人按執之身體肌肉骨髓血脈俱寒此火即無根之火也故用丁香乾薑之類熱藥溫胃其火自下

勻氣散

用川烏

大者三枚炮裂去皮臍

右為細末每服三錢用黑豆二十一粒砂糖同泡湯調乘熱細飲之

治陰毒吃逆方

本

川烏頭

乾薑

附子以上俱炮

肉桂

芍藥

半夏

炙甘草

吳茱萸

陳皮

大黃各等分

右為細末每

服一錢水一盞生薑三五片煎至七分去渣服溫

肉豆蔻湯 治傷寒汗後吃逆噯氣

肉豆蔻

一個

石蓮肉

炒

茴香

各一兩

人參

丁香

各半兩

枇杷葉

五片拭去毛炙

右剉細用水四盞生薑十片煎二盞去滓空心溫服分二服

良薑湯

橘皮

良薑

桂枝

當歸

各一兩

杏仁

二十個

傷寒準繩

卷六噯

七



麻黃

甘草 各半兩

檳榔 三個另爲末

右吹咀用水四盞薑十片棗三枚同煎至二盞

去渣下檳榔末再煎三沸通口服一盞未已再服龐老云傷寒吃逆不止是陰陽氣升降欲作汗升之不下故胃氣上逆爲吃逆無休止宜服此方

扁鵲中藏經 治傷寒欬逆丁香散丁香柿蒂各一分甘草良薑各半錢沸湯點作一服乘熱猛喫極效

右以上五方陰證所宜

三因橘皮竹茹湯

見雜病吃逆門

右方陽證所宜

治傷寒吃逆救急方

香附子

橘核 炒各半兩

右細剉用酒半盞先將藥置銀石器內炒漸漸滴酒炒藥焦黃色

研細末每二錢水一小盞煎至八分細細旋呷服一方單用香附子末

又方 大蒜頭二個煨爛研爆入白薑末

丸得爲度

研和如梧桐子大搗薤菜自然汁吞下二十丸病退再服

一十五丸

〔吳〕吃逆者氣上逆而爲吃忒也醫方或以爲欬逆者非也經曰欬逆上氣脈散者死謂其形損故也

成無己注引千金方云欬逆上氣乃咳嗽也言心火以刑肺金其氣噴逆而爲嗽喘也若肺絕則脈散皮毛焦折而死故曰形損也與吃逆何相干哉吃逆有因胃熱失下而作者且其氣皆從胃至胸膈之間而爲吃逆易老治法失下胃熱內實大便鞭者以承氣湯下之便軟者以瀉心湯主之胃虛有熱者橘皮竹茹湯有痰飲者半夏生薑湯或茯苓半夏湯若胃冷者橘皮乾薑湯加味理中湯要略言其氣自臍下直衝於胸膈間吃逆者此陰證也其病不在胃也且病下虛內以伏陰或誤用寒涼遂致冷極於下迫其相火上衝萃集於胸中以爲吃忒亦欲盡也病人煩躁自覺甚熱他人以手按其肌膚則冷此爲無根失守之火散亂爲熱非實熱也乃水極似火若不識此誤用涼藥下咽則敗矣凡治須用活人羌活附子散或加味附子湯急溫其下真陽一回火降吃逆自止也如冷極吃逆不止者或兼以硫黃乳香散嚙法或灸期門中脘關元氣海但要取手足溫暖脈生陽回陰退則生矣

瘧狀

〔楊〕瘧狀作止有時非若寒熱往來或疎或數而作止無定時也凡感冒之人忽覺毛寒股慄筋節拘攣百骸鼓撼嘔不欲食其寒不可禦未幾復轉而發熱者此卽溫瘧不必謂瘧脈自弦或洪數或緊實或虛緩或刮澀皆爲瘧狀但以外證別之用藥固有本條小柴胡湯如前斟酌加減亦是活法雖然血虛能

生寒熱敗血亦作寒熱陰陽相勝一證雖各有一方皆當以川芎爲佐 太陽病得之八九日如瘧狀發熱惡寒熱多寒少其人不嘔清便欲自可一日二三度發脈微緩者爲欲愈也脈微而惡寒者此陰陽俱虛不可更發汗更下更吐也面反有熱色者未能解也以其不能得小汗出身必痒宜桂枝麻黃各半湯服桂枝湯大汗出脈洪大者與桂枝湯如前法若形如瘧日再發者汗出必解宜桂枝二麻黃一湯

桂枝二麻黃一湯方

桂枝三錢去麤皮 芍藥三錢

麻黃去節一錢六分

生薑切三錢

甘草二錢六分炙

杏仁去皮尖四枚

大棗二枚擘

右七味以水二鍾先煮麻黃一二沸去上沫納諸藥煮取一鍾去滓分二服

病人煩熱汗出則解又如瘧狀日晡所發熱者屬陽明也脈實者宜下之脈浮虛者宜發汗下之與大承

氣湯發汗宜桂枝湯

雖得陽明證未可便爲裏實審看脈候別內外其脈實者熱已入府爲實可與大承氣湯下之其脈浮虛者是熱未入府猶在於表也可與桂枝湯發汗則愈

婦人中風七八日續得寒熱發作有時經水適斷者此爲熱入血室其血必結故爲瘧狀發作有時小柴

胡湯主之

詳婦人傷寒

舌胎